

solum celeriter arriperet, quæ traderentur, sed etiam excellenter pronunciaret: qua ex re in pueritia nobilis inter æquales ferebatur, clariusque explendescibat, quàm generosi condiscipuli animo æquo ferre possent, itaque incitabat omnes studio suo. Nam non socors torpedo, non puerilis vanitas, non voluptatum mollities eum è virtutis tramite detorsere; sed alacritate prorsus laudabili sapientiæ præcepta tenero adhuc pectore impressit, ejusq; indefinente meditatione animum ad sublimiora jugiter præparavit. Quod eo majori dignum est admiratione, quo illustrior quæque fortuna in illa ætate ad lubrica aulæ blandimenta facilius devolvitur. Excellens fuit vir Themistocles, sed turpis adolescens: Valerius Flaccus rebus gestis celebris habetur, sed pariter notatus dicà turpiter actæ ineuntis ætatis; At B. hic Heros pariter cum annis

D

cla

clarissimarum virtutum numerum gradumque promovit. Sub hoc annorum curriculo dignas judicavit, quas salutaret, Musas Upsalenses. Quarum per insigne tempus illustris alumnus, tandem factus est præsul & Antistes, dum oblato sibi Fasces Academicos omniū applausu suscepit, & non per dimidium, ut ibi mos est, sed integrum annum felicissimè direxit: auspicato haud dubie & augusto omine, qualia fuere munerum prima, talia etiam fore ultima, Literas scilicet Literatosque juvantia, defendentia, promoventia. Quanta autem animi contentione toto eo tempore, quo in Musarum hoc domicilio moratus est, elegantissima sua antea incepta studia sub moderamine celeberrimi D^N. SCHEFFERI persecutus est, ut difficile est dictu, sic non facile creditu. Plures illustri loco natos operam literis dedisse non negaverim, sed majorem dedisse, hoc est quod affirmare non sustineam.

Quo

Quotus enim, non dicam B. Heröis æqua-
lium, quisque, sed eorum qui studiosi vo-
cantur, plures, quam ille, egregios autho-
res in Historicis, Politicis, Jure naturæ &
gentium, Communi & civili, diligenti ad-
curataque lectione pervolvit & penetravit.
Hisce è fontibus acutissimum ejus hausit
& digessit ingenium tersam illam solidæ
que doctrinæ plenam Orationem, quâ, de-
ponendo insimul Rectoratus munere, Pa-
tribus Civibusque Academicis haud im-
motis auscultantium animis gratiosissimum
dixit vale: tacitum hoc suo instituto plu-
rimis faciens convicium, quorum tam
pauci instrumenta magnæ fortunæ Literas
& Eruditionem capiunt. Verum enim-
vero in hoc adolescentiæ & juventutis de-
cursu non ita Themidos sacraria adiit,
non ita se Apollini devovit, ut Martem
ejusque exercitia negligeret. Scilicet vi-
tam excellentissimorum Majorum sibi ante
ocu,

oculos ponens, quin & quam raro admodum diutinam pacem ob infestas vicinorum machinationes usurpavit Patria nostra, perpendens, pulcritudine militaris etiam gloriæ inflammatus, in campo Martio velut inclyta sua indole digno theatro haud raro sese stitit. In quo ea curâ eaque versabatur felicitate, ut in omnis generis exercitiis equestribus multis superior, nemini esset secundus. Non latet quantum Martem inter & Apollinem concipiant tempora nostra discordiam, quasi unus cum altero in pectore mortalium neutiquam excubare posset; Ast unus est B. Heros qui duo hæc sacra felicissimo conjunxit vinculo, ferocemque Bellonam cum innocente Pallade placidè cohabitare abunde monstravit. In utroque nempe adeo excelluit, ut fortiorne miles an gnavus magis optimarum artium cultor, acutiorne Philosophus, an clarior
fu-

fuerit Dux, iudicatu fuerit difficilimum.
Saltem ad utrumque paratus, Artem dico
& Martem, Lares patrios reliquit, di-
gnoque se comitatu exteros & apud illos
summas in Europa Aulas, Respublicas
florentissimas Statusque liberos salutavit:
haud obscure innuens se ad majora natum,
quàm quæ unius regni limitibus circum-
scribi possent, famamque gestorum non
tantum Patriam impleturam, sed per or-
bem etiam olim oberraturam. Quod &
breui factum est, cum ad easdem Aulas
publico nomine rediit, quas antea privatus
inviserat. Atqui in hoc itineris & pere-
grinationis circo primum eumque uberrim-
um percepit B. Heros fructum, quem
indefessus Sapientiæ cultus, indeque orta
solidæ Virtutis & Eruditionis claritudo illi
adportabat: Insignem dico, quo ubique
locorum afficiebatur, favorem honoremq̃.
Scilicet adeo per illam omnium, quos

E

adi

adire & colloqui contigit, animos inexplicabili quodam modo occupabat, (adjuvante etiam eximio, quo gaudebat, oris decore) ut non tantum Legati & Cardinales, sed etiam Duces Principesque imò Coronata etiam Capita in familiaria & clementia colloquia venientem admittere, abeuntemque non semel cum sublimium ingenii donorum laude & commemoratione palam nominare dignum judicaverint. Tot itaque tantisque animi dotibus & divitiis e' ditissima Sapientiæ minera erutis instructus: tot tantisque earum causâ maectatus honoribus, absque vel minimo augustæ fortunæ detrimento hic subsistere, iisque ad publicæ Rei commodum frui potuisset B. Heros: Idque eò majori jure, quò magis omnes in hocce æquavit, plurimos dudum superavit; Ast, quod mireris, nec hic pedem figit, sed ad exemplum maximi Imperatoris plus ultra eundum

dum existimavit. Quapropter non summas magis Aulas, quam summos doctrinæque famâ illustrissimos frequentavit Viros. Quorum è numero fuere præcipue magna nomina Heinsiorum, Vossiorum, Gronoviorum, Græviorum, Bœclerorum, Septaliorum. Hos audiendo, interrogando, consulendo, amplissimum aliâs Sapientiæ suæ penu ita locupletavit, ut paria cum iis fecerit. Hæc fuere otia, hæc B. Herois in itinere negotia. Utinam! qui peregrinationes hodie instituunt, B. Heroa sibi ante oculos ponerent ejusque vestigia premerent: ingentem in Eo haberent Phosphorum, qui illos in salebrosis apud exteros viis ad verum honoris portum duceret: neque tot tantique in hos vel illos vitiorum scopulos impingerent graveque facerent naufragium. Felici sic sydere in Patriam redux B. Heros, non prius manum Regis sui est osculatus, quam
ab

ab illo, virtutum æstimatore adcuratissimo, supremus Cubiculi Regii Præfectus, non sine egregiis elogiis est constitutus. Debetur scilicet quidam generosis mentibus honor, quo tanquam fomento eximia sua facta nutriant virtutique ad celsiora iter præstruant. Mirum verò quantum in munere hoc aulico omnes cogitationes ad publicum emolumentum composuit! quantum fide & dexteritate sua Regis in se favorem adauxit! quantum denique omnium amorem conciliavit oculosque in se convertit! Namque habent hoc primum excelsæ quæque animæ, ut dotes earum & ex illis amor occulto quodam modo in hominum opinionem illabatur, & ex ipsis factis elucescit, prout cedunt prima ita fore universa. Quocirca opus non erat ut hoc modo probatus honores altiores ambiret vel efflictim affectaret, cum satis ex merito paterent & ex benigni

gnitate Regis gloriose offerrentur. Flagra-
bat quam maximè tunc temporis, quod
haud multò ante excitatum erat, bellum,
Gallos inter & Anglos confæderatosque
Belgas. Pro quo eò citius finiendo Regi
nostro Potentissimo Mediatoris partes in
se suscipere, litigantibusque sua auctoritate
intervenire placuit, modum proponendo
quo accensi animi sufflaminari, tantæque
in Christianismo miseræ finis imponi
posset. In glorioso itaque hoc opere
Gloriosissimus constitutus Rex, vix alium
idoneum magis præsto esse videbat, cui
tanti momenti rem persequendam tutò
committeret, quàm B. Heröa nostrum.
Hunc itaque illi præfecit, Hunc ad Reges
primo Angliæ, mox Galliæ ire, adjun-
ctisque sibi illic locorum tum temporis
existentibus Regiis Ministris, hic Legato
Extraordinario Illustrissimo Comite,
Domino Königz Carl / ibi vero ordi-
F nari

nario Nobilissimo Domino Beyenberg/ a-
nimum Regis sui patefacere iussit. Speci-
osum hic erat virum juvenem intueri
proceritate corporis, vultu heroico, ple-
num fiducia coram tantis Regibus opus
suum incomparabili verborum gestuumq;
gravitate proponentem; At Speciosius
multo & pulcrius fuit animadvertere, quã
prudentiã & sagacitate dissidentium secreta
rimari, arcana expiscari capitaque diversa
ad unum quid sentiendum componere
studuit allaboravitque. Quo vero suc-
cessu, quo maximi Regis sui adplausu ar-
duum hocce peregit negotium B. Heros,
vel exinde judicari poterit, quod, de statu
rerum Gallicarum Anglicarumq;, nec non
de utriusque Regis ad pacem propensi-
one sic informatus, literas acceperit Regias
de accelerando Parisiis Ratisbonam iti-
nere, idem opus & ibi ad tenorem datæ
sibi instructionis persecuturus. Præclaram
hanc

hanc B. Herois Legationem inter alia maxime nobilitavit, quod Ratisbonæ adhuc existens à S. R. Maj: magno verborum honore insignique meritorum commemoratione Tribunus Equitum Legionis Prætorianæ constituebatur. Hoc ipsum, una cum reliquis præclaris ejus muneribus, absentia B. Herois minus patiens, fecit ut domum accerferetur. Iter vero hocce paranti literæ advenere Regiæ Neuburgum se conferret B. Heros, cum Serenissimo ibi Duce super quædam maximi ponderis negotia, calamo haud temerè credenda deliberaturus. Quo etiam pari ac antea fide & prudentia factò, in Sueciam tandem venit. Vix crederes quantum gestis illius gestorumq; relationibus adplaudebat Rex, cujus clementem de se conceptam spem non tantum egregiè sustinuit, sed & feliciter vicit. Hoc eodem anno foedus conjugii antea pactum perfecit B. Heros cum eminentissimæ

simæ familiæ Comitissæ **ELISABETHA**
Grensterna/ Illustrissimi Comitis ac Domini
ERICI Grensterna/ Regii quondam
Consiliarii & Cancellarii magni Filia ju-
cundissima. Quæ sic omnium splendore
virtutum, sic pulcritudine & profapia ra-
diabat, ut cor B. Herois ad amorem in-
flammaverit, summosque pariter ac infi-
mos veneratione & admiratione adimple-
verit. Ita placide conspirarunt, ita per o-
mne conjugii tempus convixerunt, ut ille
affectu, illa obsequio pulcrum de gloria
certamen quotidie miscerent: Nec apex
felicitati conjugali accedere potuisset, si
torus optata sobole illustrior, domusque
excelsa fortior facta fuisset. Illustrissimæ
autem Comiti, cum nimis citò tristitia vi-
duarum proh dolor! sint superfusa, velit
æternum Numen, ut luctui ejus oppor-
tuna succurrat medela! utque constans a-
liquando lætitia renascatur & latè diuque
efflo-

efflorescat! Solennia vero nuptiarum in
arce Calmariensi celebrata celebriora red-
didit & illustriora non tantum præsentia
Regis totiusque Regiæ aulæ, sed & honor
ille plane insignis, quo B. Heros eodem
ipso die est affectus. Scilicet Senator &
Confiliarius Regis proclamatur. Non hic
generis celsitudo, non avorum merita ful-
gentissimas dignitates obumbrarunt: Non
ulla prelatio, non ullus ambitus claritu-
dinem B. Herois, jam dudum generosis
actionibus debitam, foedavit; Sed poten-
tissimus Rex virtutum & meritorum æ-
stimator sagacissimus gradus officiorum
passibus virtutis aptavit. Tum vero un-
dique æstimatio ejus & veneratio oborta.
Videres Proceres ipsos, ordinemque E-
questrem universum vera gratulatione læ-
titiâ testari; Cæteros autem, natalium
ac fortunæ conditione humiliter colloca-
tos, nunc admiratione, nunc cultu vehe-

G

men